



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt VIII.

urn:nbn:de:hbz:466:1-11453

nam Albertus arcem Luneburgi, urbem Bardewicum, et Bremam occupauit: quod aduocata eius urbis, ut diximus, data esset Ludero tum Saxoniae duci in redemptionem Liemari quondam archiepiscopi, quem Luderus in congressu bellico cepit.

CAPVT VIII.

Conradus eius nominis III. vir genere Sueuus, Friderici, de quo antè diximus, germanus, & yterus Conradi filius, qui sororem duxit Henrici V. Imperatoris, ex qua sustulit filios Fridericum & Conradum antedictos: Numeratur iste quoque Conradus in stirpe Saxonici generis ex matre, quæ, ut diximus, fuit Henrici IIII. filia, & perindè ex Ottonis I. stirpe, quomodo tres Henrici, tertius, quartus, quintus: & idè res ab illo gestas hìc prosequemur. Albertum marchionem hic res in ducatu Saxoniae confirmauit, quod iniquum esse censeret eundem in regno duobus insigniri ducatibus: quod Henricus iam teneret Bauariam, decus esse regni, in duobus ducatibus duos esse duces. Turbauit ea res multos principes, & auertit Conrado: Vixit in corde eius obliquus, ut putabatur, liuor in Lothariū ante se imperantem, cuius facta putauit antiquanda, quod ille Henrici genero ducatum Saxoniae contulisset. Cūque Albertus apprehendisset inferioris Saxoniae praesidia, exclusit facile Henricum. Tum Adolphus secundus Holsatiae comes, quod aduersaretur Alberto, fidem seruans quam praestitisset Lothario & genero eius, ditione Holsatiae concessit dono Alberti marchionis, Henricus de Badewida comes est illam assequutus. Magno exindè bello de Saxoniae ducatu conflictantur. Albertus marchio, cui stabat Conradus, & Henricus Catulus dux Bauariae, quem nonnulli per errorem appellant Leonem: (fuit at-

tem Henrici Leonis pater). Sine ergò vterque & pater
 & filius cognomen habuere Leonis, siue solus filius, rem
 non variat: dummodò sciamus Henrici Leonis fuisse pa-
 trem, qui de Saxonia cum Alberto luctaretur. Praeoc-
 cupauit Albertus ea quæ sunt citeriora Saxonia, Lune-
 burgi arcem, Bardewicum, Bremam: Sed Henricus de
 Bauaria descēdens cum valido exercitu, superiora pro-
 uincia vastauit, aliquot arces vi cepit. Ducebat ille in
 belli societatem comites palatinos Rheni, natos sorore
 Rixæ Imperatricis, & videbātur omnia in deterius pro-
 lapsura ad vastitatem prouinciæ: Sed interuenēre prin-
 cipes, qui remponerent in treugas. Constitutus à rege
 dies in Quedlenborg ad conuentū principum, vt causa
 tractaretur. Per quæ tempora moriēs sine herede Hen-
 ricus marchio Brandenburgensis, locum fecit nouo be-
 neficio, cū feudum vacaret Imperatori. Contulit
 ergò Conradus rex Alberto comiti de Balenstede, siue de
 Anhold, marchionatum antedictum. Ità auctus Alber-
 tus à rege nouo principatu, facile dimisit Henrico Sa-
 xoniam in eodem conuentu principum habito in Que-
 delenborg. Sed tum Henricus Bauarus cepit egrotare,
 non sine suspitione dati veneni, & mortuus sepelitur in
 Lutter, ad latus Imperatoris soceri sui. Rex autē Hen-
 ricus relictam, matrem Leonis, filiam Lotharij Impera-
 toris, dedit coniugem Henrico fratri suo, cui etiam con-
 tulit ducatum Austria, qui antè erat principatus Nori-
 corum. Iste ergò est in meridionalibus Germania ducatus
 nouissimus, qui iam vsurpat (incertum quo iure) ap-
 pellationem, quòd se nominat archiducē. Iste verò Hen-
 ricus in Austria nouo ducatu, nullos reliquit haredes:
 Vnde iterum fit locus nouo beneficio. Sed hæc ad tempus
 sequentis Fridrici.